

ORDE do 12 de decembro de 2017 pola que se establecen as bases reguladoras das axudas para accións silvícolas de prevención dos danos causados aos bosques por incendios, desastres naturais e para o incremento da capacidade de adaptación e do valor ambiental dos ecosistemas forestais, cofinanciadas polo Fondo Europeo Agrícola de Desenvolvemento Rural (Feader) no marco do Programa de desenvolvemento rural (PDR) de Galicia 2014-2020, e se convocan para o ano 2018. Consellería de Medio Rural. DOG N° 5, (08/01/2018)

Obxecto

1. Esta orde ten por obxecto establecer as bases que regulan as axudas para accións silvícolas de prevención dos danos causados aos bosques por incendios, desastres naturais e para o incremento da capacidade de adaptación e do valor ambiental dos ecosistemas forestais, en réxime de concorrencia competitiva, a través de dúas liñas de axuda.

2. As dúas liñas de axuda obxecto de subvención, que se corresponden co procedemento MR605A, son as seguintes:

a) **Liña I: axudas para realizar tratamentos silvícolas** (prácticas preventivas, de carácter local e a pequena escala, que permitan crear discontinuidades verticais e horizontais da cuberta vexetal e o control selectivo de combustible, como son rozas, desmestas, rareos e podas) coa finalidade de prevención de incendios.

b) **Liña II: axudas para realizar tratamentos silvícolas** (rareos, desmestas, podas, cortas de formación, rozas, etc.) e **plantacións puntuais de determinadas árbores**, directamente vinculadas ao incremento dos valores ecolóxicos dos bosques que non teñan carácter produtivo.

Ámbito de aplicación

O disposto nesta orde será de aplicación para todo o territorio da Comunidade Autónoma de Galicia, **con exclusión**:

a) Dos bosques ou outras superficies forestais que sexan propiedade da Administración central ou autonómica.

b) Dos bosques e outras superficies forestais propiedade da Coroa.

c) Dos bosques que pertencen a empresas públicas.

d) Dos bosques propiedade de persoas xurídicas, cando polo menos o 50 % do seu capital pertenza a algunha das institucións anteriormente citadas.

Beneficiarios

1. Os beneficiarios serán **persoas físicas ou xurídicas** que sexan **titulares dos terreos obxecto de axuda**, entendendo por titulares tanto propietarios como arrendatarios ou xestores; non se admite a cesión por parte do propietario do terreo a un terceiro.

2. Das axudas previstas nesta orde serán beneficiarios as **sociedades de fomento forestal (Sofor)**, os **proprietarios particulares de forma individual**, as **asociacións e agrupacións de propietarios particulares formalmente constituídas e inscritas no Rexistro de Asociacións da Xunta de Galicia**, as **cooperativas agrarias**, os **pro indivisos**, os **montes de varas, abertais, de voces, de vocerío e fabeo**, as **comunidades de bens**, as **entidades locais**, **outras persoas xurídicas e as comunidades de montes veciñais en man común (en diante,CMVMC)**, que cumpran o establecido no punto 1.

Intensidade da axuda

A intensidade da axuda para estas actuacións será do 100 %, calculándose a axuda sobre o custo real do investimento determinado no correspondente proxecto técnico e tendo en conta o anexo VIII en que figura o cadro de importes máximos subvencionables por cada tipo de actuación

Actuacións obxecto de axuda

1. Os tipos de actuacións subvencionables son os seguintes:

a) **Liña I (axudas para realización de tratamentos silvícolas preventivos de incendios forestais):**

1º. Rareos en masas estables de coníferas con diámetro normal medio da masa antes da actuación inferior a 15 cm e cunha densidade inicial de 2.000 pés/ha ou superior:

– Rareos en masas de coníferas con diámetro normal medio da masa antes da actuación inferior a 15 cm, acadando unha densidade final entre 800 e 1.200 pés/ha. No caso das masas de *Pinus sylvestris L.*, as densidades máximas desta epígrafe poderanse incrementar nun 20 %.

– Trituración dos restos, picadura ou extracción para o seu aproveitamento como biomasa; porén, non se poderá solicitar a trituración dos restos, a picadura nin a extracción para o seu aproveitamento como biomasa no caso de que o rareo se realice totalmente de forma sistemática e mecanizada, salvo que os restos que se obteñan despois do tratamento permitan o seu aproveitamento como biomasa.

2º. Rozas previas ás podas e podas en masas de coníferas, dirixidas á creación de descontinuidade tanto horizontal como vertical en masas de coníferas:

– Roza: despois do tratamento, a totalidade da superficie de actuación deberá estar rozada e altura do mato despois da roza non pode superar os 10 cm de altura.

– Podas en masas de coníferas, ata unha altura mínima de 2 metros e máxima 4 metros e cunha densidade final máxima da masa despois de realizar os traballos de 1.200 pés/ha. Esta actuación é compatible con podas naturais e podas realizadas con anterioridade en masas onde se tivese realizado un realce co obxectivo de guiar o desenvolvemento normal da árbore e limitada aos primeiros verticilos. No caso das masas de *Pinus sylvestris L.*, as densidades máximas desta epígrafe poderanse incrementar nun 20 %.

– Trituración de restos de poda, picadura ou extracción para o seu aproveitamento como biomasa.

– Dentro desta epígrafe terá que solicitarse obrigatoriamente a poda, e poderanse solicitar sobre a mesma superficie as rozas previas á realización de podas.

b) **Liña II (axudas para tratamentos silvícolas –rareos, desmestas, podas, cortas de formación, rozas, etc.– e plantacións puntuais de determinadas árbores, directamente vinculados ao incremento dos valores ecolóxicos dos bosques).** Ao ser esta liña de axudas unha medida con

obxectivos ambientais e non produtivos, as actuacións elixibles que se detallan a continuación non conducirán a un aumento significativo no valor ou rendibilidade da explotación forestal:

1º. Tratamentos silvícolas en masas de frondosas caducifolias, sobreiras e aciñeiras con diámetro normal medio da masa inferior aos 20 cm, considerando como tales aquelas cun mínimo dun 80 % de superficie ocupada por frondosas caducifolias, sobreiras e aciñeiras, e cunha densidade mínima destas de 400 pés/ha e altura media superior a 1,5 m:

– Roza.

– Formación de guías en que se manifeste nitidamente a dominancia apical e/ou poda ata 1/3 da altura como mínimo.

– Selección de abrochos.

– Rareos.

– Dentro desta epígrafe poderanse solicitar e acumularse as súas accións sobre unha mesma superficie sempre que o importe por hectárea non supere os 2.212 €.

2º. Rexeneración e/ou mellora de soutos de castiñeiros cunha densidade mínima de 100 pés/ha:

– Rozas.

– Podas.

– Tratamentos fitosanitarios para a conservación e mellora dos soutos.

– Aumento da densidade dos soutos mediante a plantación de castiñeiro resistente á tinta.

– Dentro deste punto, poderán solicitarse e acumularse diferentes actuacións sobre unha mesma superficie sempre que o importe por hectárea non supere os 1.544 €.

2. As actuacións indicadas nas liñas I e II non poderán obter axuda sobre unha mesma superficie.

3. Poderanse subvencionar os honorarios de redacción de proxecto, logo de solicitude, segundo o tope por hectárea indicado no anexo VIII de traballos, e só naqueles casos onde é obrigatoria a súa presentación.

4. Non serán elixibles as mesmas actuacións realizadas en superficies sobre as cales se concedeu subvención de calquera destas dúas liñas de axuda nos 5 anos anteriores a esta convocatoria, agás no caso de traballos de control selectivo do combustible (MR651A), que se limitará aos 3 anos anteriores. O computo deses anos farase con respecto ao ano de concesión da axuda (concesión de axuda no ano 2013, no caso de 5 anos; e concesión de axuda no ano 2015 no caso de 3 anos).

ANEXO VIII
Cadro de importes máximos subvencionables

Actuación	Investimento total	Importe máximo subvencionable (sen IVE)
1.1. Rareos en masas de coníferas con diámetro normal medio inferior a 15 cm, acadando unha densidade final entre 800 e 1.200 pés/ha	1.031,41	1.031,41
1.2. Trituración dos restos, picadura ou extracción para o aproveitamento como biomasa	682,68	682,68
1.3. Tope €/ha proxecto en rareos coníferas	47,85	47,85
2.1. Rozas previas á realización de podas en masas de coníferas	515,16	515,16
2.2. Primeiras podas en masas de coníferas, ata unha altura mínima de 2 m e máxima de 4 m e cunha densidade final máxima de 1.200 pés/ha	605,70	605,70
2.4. Trituración dos restos, picadura ou extracción para o aproveitamento como biomasa	682,68	682,68
2.5. Tope €/ha proxecto en podas coníferas	47,85	47,85
3.1. Rozas	696,73	696,73
3.2. Formación de guías en que se manifeste nitidamente a dominancia apical e a poda ata 1/3 da altura como mínimo	508,40	508,40
3.3. Selección de abrochos	694,87	694,87
3.4. Rareos	837,09	837,09
3.5. Tope €/ha proxecto en frondosas	47,85	47,85
4.1. Rozas	696,73	696,73
4.2. Podas con funxicida	661,40	661,40
4.3. Tratamento fitosanitario	131,87	131,87
4.4. Aumento da densidade dos soutos mediante a plantación de castiñeiro híbrido resistente á tinta	194,77	194,77
4.5. Tope €/ha proxecto en castiñeiros	47,85	47,85
5. Cartel identificativo (só elixible aos solicitantes que estean obrigados á súa colocación segundo o artigo 26)	255,00	255,00

PRAZO DE PRESENTACIÓN DE SOLICITUDES

O prazo de presentación de solicitudes remata o 19 de febreiro de 2018